

禮記正義卷第二十三

國子祭酒上護軍曲阜縣開國子臣孔穎達等奉

勅撰

季春之月日在胃昏七星中旦牽牛中

季少也季春者日月會於大梁而斗建辰之辰其日甲乙其帝大暉其

神句芒其蟲鱗其音角律中姑洗其數

八其味酸其臭羶其祀戶祭先脾姑洗者南呂之所生

也三分益一律長七寸九分寸之一季春氣至則姑洗之律應周語曰姑洗所以脩絜百物考神納賓桐





始華田鼠化為鴛虹始見萍始生

皆記時候也鴛母無

蟬竦謂之虹萍薄也其大者曰蘋

天子居青陽右个乘鸞鳥路

駕倉龍載青旂衣青衣服倉王食麥

與羊其器䟽以達

青陽右个東堂南偏

**䟽**

正義曰案三統曆云三月之節

日在胃七度昏張二度中去日一百七度旦斗二十六度中清明日在昴八度昏翼四度中去日一百一十一度旦女三度中案元嘉曆三月節日在婁六度昏柳十二度中旦斗十四度中三月中日在胃九度凡三十度日月行一會凡三十度故三月日在胃七度律曆志又云大梁初日在胃七度是也昏七星中者案律曆志云胃十四度昴十一度畢十六度觜二度參九度井三十三度鬼四度柳十五度七星七度從胃七度至七星之初度有九十九度以

日漸長日沒之時稍在酉北去七星之初九十八度故昏時七星在南方之中且牽牛中者從七星之初至牽牛之

初 **注** 姑洗至納賓 正義曰南呂六二上生姑洗之九三南呂長五寸三分寸之一就南呂三分益一取三寸益

一寸為四寸餘有整二寸三分寸之一整二寸者各九分之二九為十八分寸之一者為三分摠二十一分三七二

十一三分益一更益七分摠二十八分以九分為一寸二十七分為三寸益前四寸為七寸餘有一分在故云律長

七寸九分寸之一云周語曰至納賓證姑洗之義云脩絮百物考神納賓者案國語注云是月之物脩絮故用之宗

廟致神納賓 **注** 皆記至日蘋 正義曰鴛母無爾雅釋鳥文某氏云謂鷓也李巡云鴛鷓一名牟母郭景純云鷓

也青州呼鷓母舍人云母作無今此注母無母當作牟謂牟無也聲轉字誤牟字作母云蟬竦謂之虹者爾雅釋天

文郭氏云雄者曰虹雌者曰蜺雄謂明盛者雌謂闇微者虹是陰陽交會之氣純陰純陽則虹不見若雲薄漏日日



照雨滴則虹生云萍萍其大者蘋爾雅釋草文郭景純云水中浮萍也江東謂之蕩舍人云萍一名萍大者名蘋凡云化者若鼠化為鴽鴽還化為鼠皇氏云反歸舊形謂之化案易云乾道變化謂先有舊形漸漸改者謂之變雖有舊形忽改者謂之化及本無舊形非類而改亦謂之化故鄭注周禮云能生非類曰化也

是月也天子乃薦鞠衣于先帝為將蠶求福祥之助也鞠衣黃桑之服先帝大暉之屬

命舟牧覆舟五覆五反乃告舟備具于天

子焉舟牧主舟之官也覆反舟者備傾漏也天子始乘舟薦鮪于

寢廟進時美物乃為麥祈實於含秀求其成也不言所祈承寢廟可知是

月也生氣方盛陽氣發泄句者畢出萌

者盡達不可以內時可宜出不可收斂也疏正義

日從此以下至為麥祈實論薦衣告帝薦鮪於寢廟舟牧告舟論所告之事故言是月從生氣方盛至禮賢者論陽

氣將盛振恤貧窮勉勸諸侯禮聘賢者皆是助陽宣發之事故云是月也自命司空以下論時雨將降道達溝瀆又

禁斷羅罽以助時生乳之事故更云是月自命野虞至無有敢惰論養蠶之事別於上故云是月也自

命工師以下至以蕩上心論工師之官不得為淫巧之作事異於上故更云是月自擇吉日至親往視之論天子合

樂之事故更云是月也以其月末為之故變云是月之末自乃合累牛騰馬至以畢春氣論牛馬犧牲舍

育之事并磔攘九門事雖異於牛馬難事既輕不可別言是月也故繫之牛馬犧牲恣異於上故更云是月也

為將至之屬正義曰依禮祭五帝自服大裘今薦鞠衣與桑同色蓋薦於神坐故知為蠶求福云鞠衣黃桑之服



者鄭注內司服云鞠衣黃桑服也色如鞠塵象桑葉始生  
菊者草名花色黃故季秋之月云菊有黃華是鞠衣黃也  
與桑同色又當桑生之時故云黃桑之服也云先帝大睥  
之屬者以其言先不言上故知非天唯大睥之屬春時惟  
祭大睥云之屬者以蠶功既大非獨祭大睥故何胤云摠  
祭五方之帝其所祭之處王權賀瑒熊氏等並以爲在明  
堂以大睥祭在明堂故也 薦鮪於寢廟 正義曰案爾  
雅釋魚云鮪鮪鮪郭景純云似鱸而小建平人呼鮪子一  
本云王鮪似鱸口在頷下音義云大者爲王鮪小者爲鮪  
鮪似鱸長鼻體無鱗甲 不可以內 正義曰以物宜散  
之時當順天散物不 可積聚納之在內 天子布德行惠命有司

發倉廩賜貧窮振乏絕振猶救也開府庫出

幣帛周天下勉諸侯聘名士迪賢者周謂

給不足也勉猶勸也是月也命司空曰時雨將

降下水上騰循行國邑周視原野脩利隄

防道達溝瀆開通道路毋有障塞廣平曰原國也邑也

平野也溝瀆與道路皆不得不通所以除水潦便民事也古者溝上有路田獵置罟羅罔

畢翳餽獸之藥毋出九門爲鳥獸方孚乳傷之逆天時也獸罟

曰置罟鳥罟曰羅罔小而柄長謂之畢翳射者所以自隱也凡諸罟及毒藥禁其出九門明其常有時不得用耳天子九門者路門也應門也雉門也庫門也臯門也城門也近郊門也遠郊門也關門也今月令無罟罟爲弋是

月也命野虞無伐桑柘愛蠶食也野虞謂主田及山林之官鳴

鳴



鳩拂其羽戴勝降于桑

蠶將生之候也鳩鳩飛且翼相擊揚農急

也戴勝織紵之鳥是時恒在桑言降者若時始自天來重之也

具曲植籩筐

時所以養

蠶器也曲薄也植槌也

后妃齊戒親東鄉躬桑禁婦

女母觀省婦使以勸蠶事

后妃親採桑示帥先天下也東鄉者

鄉時氣也是明其不常留養蠶也留養者所卜夫人與世命婦始蠶于北郊女外内子女也夏小正曰妾子始

蠶執養宮事母觀去容飾也婦使縫線組紉之事

蠶

事既登分繭稱絲效功以共郊廟之服

無有敢惰

登成也敕往蠶者蠶畢將課功以勸戒之

是月也命工師

令百工審五庫之量金鐵皮革筋角齒

羽箭幹脂膠丹漆毋或不良

工師司空之屬官也五庫藏此

諸物之舍也量謂物善惡之舊法也幹器之木也凡榘幹有當用脂良善也

**疏**

正義曰蔡氏云穀藏曰倉

米藏曰廩無財曰貧無親曰窮暫無曰乏不續曰絕皇氏云長無謂之貧窮暫無謂之乏絕 勉諸至賢者 正義

曰謂王者勉勸此諸侯令聘問有名之士禮接德行之賢蔡氏云名士者謂其德行貞純道術通明王者不得臣而

隱居不在位者也賢者名士之次亦隱者也名士優故加束帛賢者禮之而已 **注**廣平至有路 正義曰廣平曰

原爾雅釋地文云國也邑也平野也溝瀆與道路皆不得不通者言國也解經中國邑也解經中邑平野也解經中

原野以其各是一物故每以也結之溝瀆道路各兩事共為一句故云溝瀆與道路總結之不云隄防者以云不得



不通隄防非可通之物故鄭不言之云古者溝上有路者此既為雨決水而云開通道路恐道路非決之物故云溝上有路言道達溝瀆之時須脩此溝上道路案周禮遂人職云溝上有路此言溝上有路者是道路之摠名與彼別也 毋出九門 正義曰謂此月非田獵之時其置罟羅網畢翳之器及餒獸之藥毋得出於九門若路門內有者不得出路門應門內有者不得出應門舉此可知城門內有者不得出城門既不得出城門則近郊之內無所用也若近郊之內先有者不得出近郊之門近郊之門尚不得出則近郊之內雖有亦不得用也舉此而言遠郊關門亦可知是此月之時所在之處遠近皆不得用故云毋出九門 注獸罟至為弋 正義曰案爾雅云兔罟謂之罟郭景純云罟猶遮也是罟為獸罟知罟亦獸罟者案釋器云罟謂之罟罟覆車也孫炎云覆車是兩轆網既是兩轆可以網鳥非但網鳥亦可以網獸廣雅云網謂之罟罟免罟也是獸罟曰罟罟也此罟與罟一也鳥罟曰羅

釋器文云網小而柄長謂之畢者以其似天上畢星毛詩傳云畢所以掩兔是也明其常有時不得用耳謂此等之物四時常有於此季春之時不得用耳案周禮迹人云禁毒矢射者乃謂四時也云九門路門應門之等者自路門阜門已內皆宮室所在非田獵之處亦禁羅網毒藥不得出者此等門內雖是宮室所在亦有林苑及空閒之處得有羅網及毒藥所施云今月令無罟罟為弋者以今月令之本云田獵置羅網畢弋與此經不同 注鳴鳩至之鳥 正義曰鳩鳴且翼相擊者案釋鳥云鳩鳩鳴郭景純云鳩音九物反鳩音朝鳩似山鵲而小青黑色短尾多聲孫炎云鷓鴣一名鳴鳩月令云鳴鳩拂其羽是也云戴勝今亦呼為戴勝李巡云戴勝一名鷓鴣孫炎云鷓鴣自關而東謂之戴勝非也 注曲薄也植槌也 正義曰案方言云宋魏陳江淮之間謂之曲或謂之麴自關而西謂之薄故云曲薄方言注槌縣蠶薄柱也宋魏陳楚江淮之



閒謂之植自開而西謂之槌齊謂之牂

東鄉至之事

正義曰若尋常養蠶或東西南北面無所在今唯東面採桑明知不常留養蠶也暫示法而已留養者所卜夫人與世婦者案祭義云卜三宮之夫人世婦之吉者使是常留養蠶也祭義又云夫人副禕而受之言副禕則據王后言三宮夫人則似據諸侯不同者祭義所云雜明天子諸侯之法副禕據王后上公夫人亦副禕也三宮夫人據諸侯亦得通王之三夫人也云婦謂世婦及諸臣之妻者釋經中婦字知不兼三夫人九嬪者以經云禁婦女無觀則尊者不應在禁限故知無夫人與嬪也及女御亦當在焉特云世婦者以祭義云世婦之吉者故特言之引內宰職蠶于北郊者證躬桑之事案此經是季春躬桑內宰云仲春者以仲春既帥命婦躬桑浴種至季春又更躬桑浴蠶也故熊氏云案馬質注云蠶為龍精月直大火則浴其種是二月浴種也祭義云大昕之朝奉種浴于川注云大昕季春朔日是三月又浴蠶也皇氏云二月浴之三月

乃躬其義非也云女外內子女者解經中女字外子女謂王外姓甥之女者內子女者王之同姓子女則周禮之外宗內宗皆以嫁有爵者故內宰云帥外內命婦言內命則未出嫁者不在焉鄭注周禮士妻亦為命婦則士妻亦在云夏小正曰妾謂外內命婦子謂外內子女執養官事執操也養長也謂操持養長蠶宮之事云無觀去容飾者以其祭先蠶又志在採桑養蠶無暇為飾之事故禁之以示法 登成至戒之 正義曰登成釋詁文以分繭稱絲是課効其功故云以勸戒之 工師至善也 正義曰

周禮考工記無工師知是司空屬官者以司空掌工巧此稱工巧師長故知司空之屬云量謂物善惡之舊法者言此等之物善惡先有舊法當審察之故云審五庫之量五庫者熊氏云各以類相從金鐵為一庫皮革筋為一庫角齒為一庫羽箭幹為一庫脂膠丹漆為一庫義或然云幹器之木者案周禮弓人掌作弓云凡析幹故知幹弓幹此



則總論材幹不獨指弓但器之  
牙樸摠謂之幹故云幹器之木  
百工咸理監工日號

毋悖于時毋或作為淫巧以蕩上心

也於百工皆理治其事之時工師則監之日號令之戒之  
以此二事也悖猶逆也百工作器物各有時逆之則不善  
時者若弓人春液角夏治筋秋合三材冬定體之屬也淫  
巧謂偽飾不如法也蕩謂動之使生奢泰也今月令無于  
時作為疏正義曰言於此之時天氣和適百工造作器  
為詐偽疏物當依百工皆治理其事之時監工之官日  
日號令之言造作器物當依氣序無得悖逆於時使物不  
牢固又所作器物當依舊常無得有作淫過巧妙以蕩動  
在上使生奢泰之心者注若弓至詐偽正義曰案考  
工記弓人云春液角言春時先浸液其角豫和濡筋柔於  
角故於夏暑濕之時始治筋秋合三材者秋時陰陽氣調  
合膠漆絲之三材角在內面筋在外面幹在中冬定體者

謂往來之體冬氣凝寒物皆牢實故內之槩中使弓體堅  
強云之屬者用時非一故云之屬考工記石有時以泐水  
有時以疑又云材美工巧  
然而不良則不時是也  
是月之末擇吉日大

合樂天子乃率三公九卿諸侯大夫親

往視之大合樂者所以助陽達物風化天下也其禮亡今天子以大射郡國以鄉射禮代之是

月也乃合累牛騰馬遊牝于牧累騰皆乘匹之名是

牝欲遊則就牧之牡而合之月所合牛馬謂繫在廐者其犧牲駒犢舉書其

數以在牧而校數書之明出時無他故命國難九門

磔攘以畢春氣此難難陰氣也陰寒至此不止害將及人所以及人者陰氣右行此



月之中日行歷昴昂有大陵積尸之氣氣佚則厲鬼隨而  
出行命方相氏帥百隸索室歐疫以逐之又磔牲以攘於  
四方之神所以畢止其災也王居明  
堂禮曰季春出疫于郊以攘春氣  
相騰逐之馬以季春陽將盛物皆產乳故合此所累之牛  
相騰之馬故遊此繫牧之牝於牧田之中就牝而合之其  
在廢牝馬須擬乘用者則不放之  
犧牲駒犢舉書其數  
者既遊牝於牧之後畜皆在野所有犧牲及小馬之駒小  
牛之犢皆書其見在之數所以然者至秋畜產入時知其  
舊數不欠少以否又舊數之外知其生息多少  
此難  
至春氣 正義曰以季春恐有難陽氣之嫌故云難難陰  
氣也云陰氣右行此月之中日行歷昴昂有大陵積尸之  
氣者天氣左轉故斗建左行謂之陽氣日月右行日月比  
天為陰故云陰氣右行以此月之初日在於胃此月之中  
從胃歷昴云有大陵積尸者元命包云大陵主尸熊氏引  
石氏星經大陵八星在胃北主死喪云方相氏帥百隸索

室歐疫以逐之者案方相氏云帥百隸而時難以索室歐  
疫鄭注云時難謂四時難引月令季冬命國難故知於時  
命方相氏也引王居明堂禮  
曰以下者證季春國難之事  
○季春行冬令則寒

氣時發草木皆肅 丑之氣乘之也 肅謂枝葉縮栗 國有大

恐 以水訛 疏 正義曰寒氣時發天災也草木皆肅地災  
相驚 也國有大恐人災也 肅謂枝葉縮栗

正義曰案詩九月肅肅謂嚴肅故云肅縮栗言枝葉  
減縮而急栗 以水訛相驚 正義曰案孟春國時有

恐注云以火訛相驚知此是水者以上孟春行夏令故為  
火訛此季春行冬令故云水訛雖初訛言相驚水竟不至

所以然者以冬氣來乘水欲來至以 行夏令則民多

疾疫時雨不降 未之氣乘之也六月宿直 山陵

鬼鬼為天尸時又有暑也



**不收** 高者曠於熱也 **疏** 正義曰民多病疫人災也時雨不降天災也山陵不收地災也 **行**

**秋令則天多沈陰淫雨蚤降** 也雨三日以上為霖今月令曰衆雨 **兵革並起** 陰氣勝也 **疏** 正義曰天多降並天災也兵革並起人災也 淫霖也雨三日以上為霖 正義曰雨三日以上為霖隱公九年左傳文

**孟夏之月日在畢昏翼中旦婺女中** 孟夏者日月會於實沈而斗建巳之辰 **其日丙丁** 丙之言炳也日之行夏南從赤皆炳然著見而強大又因以為日名焉易曰齊平巽相見乎離 **其帝炎帝其神祝融** 此赤精之君火官之臣自古以來著德立功者也 **其**

**蟲羽** 象物從風鼓葉飛鳥之屬 **其音徵** 三分宮去一以生徵徵數五十四屬火者以其徵清 **律中中呂** 孟夏氣至則中呂之律應中呂

**樂記曰徵亂則哀其事勤** 事之象也夏氣和則徵聲調 **者無射之所生三分益一律長六寸萬九千六百八十三分寸之萬二千九百七十四周語曰中呂宣中氣** **其**

**數七** 火生數二成數七但言七者亦舉其成數 **其味苦其臭焦** 火之臭味也凡

**苦焦者皆屬焉** **其祀竈祭先肺** 夏陽氣盛熱於外祀之於竈從熱類也祀之先祭肺

者陽位在上肺亦在上肺為尊也竈在廟門外之東祀竈之禮先席於門之奧東面設主于竈陴乃制肺及心肝為俎奠于主西又設盛于俎南亦祭黍三祭肺心肝各一祭醴三亦既祭徹之更陳鼎俎設饌于筵前迎尸如祀戶之禮

**禮** **蟻蝮鳴丘蚓出王瓜生苦菜秀** 皆記時候也蟻蝮蛙

禮記義二十三



也王瓜草率也今月令云王萑生夏小正云王萑秀未聞孰是天子居明堂左个

乘朱路駕赤駟載赤旂衣朱衣服赤玉

食菽與雞其器高以粗明堂左个大寢南堂東偏也菽實乎甲堅合屬

水雞木畜時熟食之亦以安性也粗猶大也器高大者象物盛長是月也以立夏先

立夏三日大史謁之天子曰某日立夏盛

德在火天子乃齊謁告也立夏之日天子親帥

三公九卿大夫以迎夏於南郊還反行賞

封諸侯慶賜遂行無不欣說迎夏祭赤帝赤標怒於南郊之

先也不言帥諸侯而云封諸侯諸侯時或無在京師者空其文也祭統曰古者於禘也發爵賜服順陽義也於嘗也出田邑發秋政順陰義也今此行賞可也而封諸侯則違於古封諸侯出土地之事於時未可以失之

**疏**

正義曰三統曆四月節日在畢十二度昏軫四度中去日一百一十四度旦虛三度中四月中日在井初度昏角六度中去日一百一十七度旦危六度中案元嘉曆四月節日在昴十一度昏翼十度中旦女三度中四月中日在畢十五度昏軫十度中旦虛九度中畢者案律曆志立夏日在畢十二度昏翼中者日既在畢十二度畢有十六度而終則中取五度觜二度參九度井三十三度鬼四度柳十五度七星七度張十八度計從畢十二度至翼初極九十三度言昏三月之時昏中之星九十八度四月日漸長校三月三刻則昏中之星去日多校一刻半餘以度言之則校五度則四月昏中之星去日合有一百二度計翼星中之時當在翼十二度也

易曰齊乎巽相見乎離



正義曰引易者證丙丁是著明之義此易說卦文 **帝至火官** 正義曰何胤云春秋說云炎帝號大庭氏下

為地皇作耒耜播百穀曰神農也云犁為火官者案昭二十九年左傳云顓頊氏有子曰犁為祝融杜注云祝融明

貌 **三分至事勤** 正義曰三分宮去一以生徵者官數八十一三分分之各二十七去二十七餘有五十四故

徵數五十四也云屬火者以其徵清事之象者徵清者數少為清羽數最少為極清徵數次少為微清徵於清濁為

第四事於尊卑亦為第四故云事之象引樂記者證為事也 **中呂至中氣** 正義曰無射之律長四寸六千五

百六十一分寸之六千五百二十四三分益一以生中呂於無射四寸之內取三寸益一寸為四寸餘有整寸一又

有六千五百六十一分寸之六千五百二十四以六千五百六十一各三分之則一寸分為一萬九千六百八十三

分也六千五百二十四分各三分之則為一萬九千五百七十二又整一寸分為一萬九千六百八十三併之惣為

三萬九千二百五十五也更三分之一分有一萬三千八十五上生者三分益一以一萬三千八十五益上之數惣

為五萬二千三百四十為積分之數然後除之為寸一寸除一萬九千六百八十三則二寸除二萬九千三百六十

六為二寸通前為六寸餘有一萬二千九百七十四不成寸是中呂長六寸萬九千六百八十三分寸之萬二千九

百七十四也 **竈在至之禮** 正義曰知竈在廟門外之東者案少牢及特牲禮皆竈在廟門外之東西面北上

云祀竈之禮以下皆逸中雷禮文云先席於門之奧謂廟門外西室之奧以神位在西故知在西室之奧以祀戶在

戶內故祭在廟室之奧祀竈在門外故設主在門室之奧各從其義云東面設主於竈陞者謂設主人東面也竈陞

謂竈邊承器之物以土為之云乃制肺及心肝為俎其於主西者制謂截割心肝皆鬲上之物故從肺類俱置俎上

奠此俎於主之西此主位西嚮故置俎在西而對主也云又設盛于俎南者盛謂黍稷盛之於篚皇氏以為此祭老

曲禮記義二十三



婦盛於盆非其義也云亦祭黍三祭肺心肝各一祭醴三者亦上祀戶之禮祭必三者以禮成於三故也上祀戶云祭肉三脾一腎再此云祭肺心肝各一亦為肉祭三也此醴實於尊祭三者始扱一祭又扱再祭云既祭徹之更陳鼎俎設饌于庭前者庭前謂初設廟室奧之庭前准特牲少牢鼎當陳於廟門室之前稍東西面執俎者以俎就鼎載肉入設於庭前在蒞醢之東其黍稷等設於俎南此唯云祭黍或無稷也此配竈神而祭者是先炊之人禮器云竈者是老婦之祭 **注**螻蛄至孰是 正義曰案周禮螻氏鄭司農注云螻蛄蟊玄謂螻今御所食蛙也李巡注爾雅蟾諸蝦蟇也王瓜草挈者本草文今月令王萑生者此云王瓜生今月令王萑生疑王萑則王瓜也云夏小正云王萑秀未聞孰是者今月令既云王萑生小正又云王萑秀故鄭以為疑云未聞孰是未聞孰是凡有二意一疑王瓜是王萑以否二疑生之與秀其文不一故云未聞孰是此物記時先生者在月初後者在月末以次相配餘皆倣

此 乘朱路駕赤駟 正義曰路與服言朱駟與旂及玉言赤者色淺曰赤色深曰朱路與衣服人功所為染必色深故云朱玉與駟馬自然之性皆不可色深故云赤旌旂雖人功所為染之不須色深故亦云赤案詩傳天子純朱諸侯黃朱又鄭注儀禮云朱則四入與是朱深於赤也 **注**不言至失之 正義曰案上迎春云帥三公九卿諸侯

大夫今此直云三公九卿大夫故云不言帥諸侯既不帥諸侯而云封諸侯故鄭解其意云諸侯當迎夏之時或無在京師者故空其諸侯之文諸侯既無而得封者鄭云或無在京師者言或則容有在者故得封也或可諸侯身雖不在遙封之皇氏以為迎時不在至還時諸侯或來故得封也然迎夏往反暫時之事不應迎時未到還時則來非其義也引祭統以下證夏時未可封諸侯故 **乃命樂師**云今此行賞可也而封諸侯則違於古也

**習合禮樂**

為將

**命大尉贊桀俊遂賢良舉**



長大

助長氣也贊猶出也桀俊能者也遂猶進也三王之官有司馬無大尉秦官則有大尉今俗人皆云

周公作月令未通於古

行爵出祿必當其位

使順之也是月也

繼長增高

謂草木盛蕃廡

母有壞墮

亦為逆時氣

母起土

功母發大衆

為妨蠶農之事

母伐大樹

亦為逆時氣

是月

也天子始締

初服暑服

命野虞出行田原為天子

勞農勸民母或失時

重教

命司徒巡行縣鄙

命農勉作母休于都

急趨於農也縣鄙鄉遂之屬主民者也王居明堂禮

日母宿于國今月令休為伏

是月也驅獸母害五穀母大

田獵

為傷蕃廡之氣

農乃登麥天子乃以彘嘗麥

薦寢廟

登進也麥之新氣尤盛以彘食之散其熱也彘水畜

是月也聚畜

百藥

蕃廡之時毒氣盛

靡草死麥秋至斷薄刑決

小罪

舊說云靡草薺亭歷之屬祭統曰草艾則墨謂立秋後也刑無輕於墨者今以純陽之月斷刑決罪

與母有壞墮自相違似非

出輕繫

崇寬

疏

正義曰乃命樂師習合禮樂不云是月者以承

上是月立夏之文也至行爵出祿必當其位皆立夏之日處分之所為猶如立春之後云命相布德施惠皆同時之事故不云是月也自繼長增高至母伐大樹論順時三養不違逆時氣事異於上故言是月自天子始締至母休於都論天子初服暑服為勞農之時亦事異於前故復言是月自驅獸至寢廟論生長五穀麥成薦寢廟其事相類亦



事異於上故更言是月自聚蓄百藥至出輕繫論熱毒方  
盛可以聚蓄百藥斷決小罪因斷之時崇尚寬恕事異於  
前故言是月蠶事既畢不言是月者以季春養蠶孟夏始  
了非一月之事故不言是月天子飲酎事之大者又異於  
前故言是月○贊出至於古正義曰贊是贊佐之義  
故云出桀俊或未仕沈滯者故云出賢良或職卑位下故  
云遂賢良謂有德行傑俊謂多才藝故鄭注鄉大夫職云  
賢者有德行者能者有道藝者蔡氏辯名記曰十人曰選  
倍選曰俊萬人曰傑尹文子及毛詩傳皆云萬人為英異  
人之說故不同云三王之官有司馬無大尉者案書傳有  
司馬公司徒司空公領三卿此夏制也案曲禮下云司  
徒司馬司空司士司寇此殷制也周禮則有夏官司馬是  
三王有司馬無大尉案中候握何紀云舜為大尉此堯時  
置之三王不置也云秦官則有大尉者案漢書百官表云  
大尉秦官是也云今俗人皆云周公作月令未通於古者  
俗人謂賈逵馬融之徒皆云月令周公所作故王肅用焉

此等未通識於古古謂秦以前不知三王無大尉是未通  
於古經云舉長大者謂用長大之人故王肅云舉形貌壯  
大者○繼長厚高正義曰是月草木蕃廡王者施化當  
繼續長養之道謂勸民長養增益高大之物謂勸其種殖  
○縣鄙鄉遂之屬主民者正義曰案地官遂人職云五  
家為鄰五鄰為里四里為鄣五鄣為鄙五鄙為縣縣二千  
五百家鄙五百家是遂之屬今云鄉遂之屬經直云遂屬  
舉遂以包鄉故鄭兼云鄉也○舊說至似非正義曰  
靡草無文故引舊說以明之葶藶之屬以其枝葉靡細  
故云靡草引祭統以下者證此月不當斷薄刑決小罪蠶  
事畢后妃獻繭乃收繭稅以桑為均貴賤

長幼如一以給郊廟之服后妃獻繭者內命婦獻  
繭於后妃收繭稅者收

於外命婦外命婦雖就公桑蠶室而蠶其夫亦當有祭  
服以助祭收以近郊之稅耳貴賤長幼如一國服同是



月也天子飲酎用禮樂

酎之言醇也謂重釀之酒也春酒至此始成與

羣臣以禮樂飲之於朝正尊卑也孟冬云大飲蒸此言用禮樂互其文

**疏**

正義曰天子春養蠶此時畢了

故云蠶事畢后妃獻繭者謂后妃受內命婦之獻繭乃收繭稅者謂既受內命婦獻繭乃收外命婦繭之賦稅以桑為均者言收稅之時以受桑多少為賦之均齊桑多則賦多桑少則賦少貴賤長幼如一者貴謂公卿大夫之妻賤謂士之妻長幼謂婦老幼無問貴賤長少出之時齊同如一皆以近郊之稅十而稅一也所稅之物以供給天子郊廟之服 **注**后妃至服同 正義曰內命婦獻繭于后妃者以其經云后妃獻繭恐后妃獻繭於王故明之也知非后妃獻繭於王者祭義曰世婦卒蠶奉繭以示於君遂以獻於夫人是夫人不獻繭也云收繭稅者收於外命婦者內命婦既以獻繭更別云收繭稅故知於外命婦也雖就公桑蠶室而蠶其夫亦有祭服以助祭也皇氏云外命婦

既就公家之桑而養蠶則繭當悉輸於公所以唯皆稅其繭餘得自入者以其夫當有祭服以助王祭故令其得自入以供造也今謂夫助祭之服當公家所為故禮再命受服言外命婦雖就公桑蠶室而蠶既官家之桑繭應全入於己所以有稅者以其夫亦當有祭服官家所給故輸繭稅以供造之但稅寡少故云收以近郊稅耳知收以近郊稅者載師云近郊十一公桑在國北近郊故知收以近郊云貴賤長幼如一國服同者案泉府云凡賒者以國服為之息國服謂國家貢賦服事在上各有等限謂之國服言貴賤長幼出繭稅俱以十一等限齊同故云國服同其受桑則貴賤異也貴者桑多賤者桑少為皆計繭為稅十一之稅 **注**酎之至其文 正義曰酎音近稠稠醴厚故為醇也詩豳風云為此春酒至此始成以用禮樂故飲之於朝正尊卑故左傳云朝以帥長幼之序若漢嘗酎及春秋見於嘗酎皆謂在廟祭而獻酎與此別也孟冬云大飲蒸此言用禮樂明孟冬亦用禮樂故云互其文



孟夏行秋令則苦雨數來五穀不滋申之氣

苦雨白露之類四鄙入保金氣為害也鄙界**疏**正義曰苦

時物得雨傷行冬令則草木蚤枯日長

雨數來天災五穀不滋後乃大水敗其城郭亥之氣**疏**正義曰草木

地災四鄙入保人災也乃大水敗其城郭天行春令則蝗虫蝻為災暴風

來格寅之氣乘之也必以蝗虫為災者寅有啓蟄秀

草不實氣更生之**疏**正義曰蝗虫為災及秀草不

仲夏之月日在東井昏三元中且危中仲夏者

於鷓首而斗其日丙丁其帝炎帝其神祝融建午之辰也

其蟲羽其音徵律中蕤賓其數七其味苦

其臭焦其祀竈祭先肺蕤賓者應鍾之所生三

一分寸之二十六仲夏氣至則蕤賓之律小暑至螳螂

生鷓始鳴反舌無聲皆記時候也螳螂蝻蝻母天子

居明堂大廟乘朱路駕赤駟載赤旂衣朱

衣服赤玉食菽與雞其器高以粗明堂太廟南

養壯佼助長**疏**正義曰案三統曆五月節日在井十六

氣也度昏氏二度中去日一百一十九度且



室三度中五月中日在井三十一度昏房二度中去日一百一十九度旦奎十一度中元嘉曆五月節日在井三度昏角十度中旦危九度中五月中日在井十八度昏氏五度中旦室五度中

○難賓至交酢 正義曰應鐘律長四寸二十七分寸之二十上生蕤賓三分益一取應鐘三寸更益一寸為四寸其二十七分寸之二十各三分之則一寸分為八十一分也二十七分寸之二十則為八十一分寸之六十其整寸一為八十一分又以六十分益之摠為一百四十一分更三分益一分有四十七更以四十七益前一百四十一分摠為一百八十八分是為積分之數除之為寸除八十一分則一百六十二分為二寸益前四寸為六寸餘有二十六分不成寸故云蕤賓長六寸八十一分寸之二十六也引周語曰以下者證蕤賓之律何省云乾九四是月陽反於下為復陰生陽中為姤各應其時所以安靜是安靜神人也陰生為主陽謝為賓賓主之象獻酬之禮獻酢又酬之陰陽代謝之義也

○螻蟻至舌鳥 正義曰案釋蟲云不蠲蟪壤其子蟬蛸舍人云不蠲名蟪壤今之螻蟻

也孫炎云螻蟻螻蟻一名不蠲李巡云其子名蟬蛸則蟪蟪故云蟪蛸母方言云譚魯以南謂之蟪蟻三河之域謂之蟪蟻燕趙之際謂之食庖齊祀以東謂之馬穀然其名字同云蟪蛸也云搏勞者詩云七月鳴鵙箋云伯勞鳴將寒之候五月則鳴幽地晚寒鳥物之候從其氣焉云百舌鳥者蔡云蟲名聾也今謂之蝦蟇其舌本前著口側而未嚮內故謂之反舌通卦驗曰搏勞鳴蝦蟇無聲又靡信云昔於長安中與書生數十共往城北水中取蝦蟇屠割視之其舌反嚮後如此鄭君得不通乎矯夙問曰誠如緯與子言為蝦蟇五月中始得水適當聒人耳何反無聲此者著時候今猶昔也是以知蝦蟇非反舌反舌鳥春始鳴至五月稍止其聲數轉故名反舌時候言之今人識之故不從緯與俗儒也或蝦蟇舌性自然不必為反舌也

正義曰壯謂容體盛大佼謂形容佼好以盛夏長養之時故養壯佼之人助長氣也

**是月也命樂師脩鞀鞀鼓均琴**



瑟管箏蕭執干戚戈羽調竿笙箎簧飭鐘磬

**祝** 為將大雩帝習樂也脩均執調  
**敵** 飭者治其器物習其事之言  
**疏** 正義曰韜字或從兆下鼓案周

禮小師注云鼗如鼓而小持其柄搖之旁耳還自擊鄭注詩云小鼓在大鼓旁應鞀之屬也鞀鼓者則周禮鼓人職

掌六鼓雷鼓鼓神祀之屬是也劉熙釋名云韜導也所以導樂作鞀鞀也鞀助鼓節鼓廓也張皮以冒之其中空廓

琴者釋樂云大琴謂之離孫炎云聲留離廣雅云琴長三尺六寸六分五絃劉熙釋名云施絃張之瑟者釋樂云大

瑟謂之灑孫炎云音之布告如埽灑郭景純云瑟長八尺一寸二十七絃管者釋樂云大管謂之箴音驕郭景純云

管長尺圍寸併漆之有底賈氏以為如箎六孔鄭注周禮云管如遂而小併兩而吹之簫者釋樂云大簫謂之言郭

景純云編二十二管長尺四寸鄭注周禮簫編小竹管如今賈飴錫所吹者劉熙釋名簫蕭也干盾也戚斧也戈鈞

牙戟羽鳥羽周禮羽舞皇舞之屬是也竿者鄭注周禮云竿三十六簧釋名云竿汗也其中汗空笙者鄭注周禮云

十三簧釋樂云大笙謂之巢郭景純云列管中施簧管端大者十九簧釋名云笙生也象物出地所生箎者釋樂

云大箎謂之沂郭景純云箎以竹為之長尺四寸圍三寸一孔上出寸三分名翹橫吹之廣雅云八孔鄭司農注周

禮云箎七空釋名云箎啼也聲如鸞兒啼簧者竿笙之名也氣鼓之而為聲釋名云簧橫也於管頭橫施之鐘者案

釋樂云大鐘謂之鏞釋名云鐘空也內空受氣多磬者釋樂云大磬謂之馨音器以玉石為之釋名云磬磬也聲堅

磬磬然祝者釋樂云所以鼓祝謂之止郭景純云祝如漆桶方二尺四寸深一尺八寸中有椎柄連底桐之令左右

擊止者其椎名敵者釋樂云所以鼓敵謂之甄郭景純云敵如伏虎背上有二十七鉏鉦刻以木長尺櫟之

均至之言 正義曰脩者脩理舊物均者均平其聲執者操持管為調者調和音曲飭者整頓器物故云治其器物

均至之言 正義曰脩者脩理舊物均者均平其聲執者操持管為調者調和音曲飭者整頓器物故云治其器物



習其事 命有司為民祈祀山川百源大雩帝

之言也 用盛樂乃命百縣雩祀百辟卿士有益於

民者以祈穀實 陽氣盛而常旱山川百源能興雲雨

本乃雩雩吁嗟求雨之祭也雩帝謂為壇南郊之旁雩五

精之帝配以先帝也自鞞鞞至祝敵皆作曰盛樂凡他雩

用歌舞而已百辟卿士古者上公若句龍后稷之類也春

秋傳曰龍見而雩雩之正當以四月凡周之秋三月之中

而旱亦脩雩禮以求雨因著正雩此月失之矣天子雩

上帝諸侯以下雩上公周冬及春夏雖旱禮有禱無雩 農

乃登黍 登進 是月也天子乃以雛嘗黍羞以

舍桃先薦寢廟 此嘗雛也而云以嘗黍不以牲主

穀也必以黍者黍火穀氣之主也

含桃櫻汝 令民毋艾藍以染 為傷長氣也此月藍始可

桃也 別夏小正曰五月啓澤

蓼 毋燒灰 為傷火氣也火之氣於 毋暴布 不以

陽之 門閭毋閉關市毋索 順陽敷縱 挺重囚

事 益其食 寬也 游牝別羣 孕妊之 則繫騰駒 為

壯氣有餘 班馬政 馬政謂養馬之政教也廋人職曰掌

相蹄鬪也 攻駒此 正義曰正以將欲雩祭故先命有司為祈祀

之謂也 疏 山川百源為將雩之漸重民之義也故先為

民大雩帝用盛樂者為民祈穀後天子乃大雩天帝用上

鞞鞞之等故云用盛樂乃命百縣雩祀百辟卿士者謂天

子既雩之後百縣謂諸侯也命此諸侯以雩祀古之百辟

及卿士等生存之日能立功有益於人者 陽氣至無



正義曰以四月純陽用事故云陽氣盛而恒旱故制禮此月為雩縱令雩祭時不早亦為雩祭云雩以吁嗟求雨之祭者以雩音近吁又女巫職云凡邦之大戕歌哭而請歌哭則吁嗟之類旱又是大戕故須吁嗟求雨注春秋者以雩為遠謂遠為百穀求雨非鄭義也云雩帝謂為壇南郊之旁雩五精之帝者以雩是祭天當從陽位以五天摠祭不可偏祭一天故雩五精之帝以自外至者無主不止當以人帝配之大皞配靈威仰炎帝配赤熒怒黃帝配含樞紐少皞配白招拒顛頊配汁光紀故云配以光帝也云凡地雩用歌舞而已者案女巫云旱暵則舞雩是用歌舞正雩則非唯歌舞兼有餘樂故論語云舞雩詠而歸是也云百辟卿士古者上公句龍后稷之類也者百辟則古之上公則國語鯀為崇伯而禮記祭法有祀之文社稷五祀雖為王朝卿士兼帶上公之官故左氏云封為上公祀為貴神是身為百辟又為卿士案左傳有社稷五官今直云

若句龍后稷下云句芒蓐收之等舉有益於民功之顯者書之引春秋傳曰龍見而雩者欲明正雩在四月不在五月也云凡周之秋三月之中旱亦脩雩禮以求雨者釋此經大雩在五月之中為五月不雨脩雩祭作記者言五月之雩是常雩故記之於五月也云天子雩上帝者以此云大雩帝也云諸侯以下雩上公者此云乃命百縣雩祀百辟卿士是也云周冬及春夏雖旱禮有禱無雩者案春秋周七月八月九月皆書雩穀梁不譏成七年冬大雩穀梁云無為雩是譏其冬雩是冬無雩也春秋周之春及周之四月五月皆無雩文春夏不雩雖旱不為脩雩之祭其屬季夏當有正雩則龍見而雩是也案春秋相五年秋大雩傳云書不時服注云雩遠也遠為百穀祈膏雨言大別山川之雩也僖十一年秋八月大雩十三年秋九月大雩成公三年秋大雩七年冬大雩襄五年秋大雩傳曰早八年九月大雩傳曰旱十六年秋大雩十七年秋九月大雩二十八年秋八月大雩傳曰旱昭三年秋八月大雩傳曰旱



六年九月大雩傳曰旱八年秋大雩十六年秋九月大雩  
傳曰旱二十四年秋八月大雩傳曰旱二十五年秋七月  
上辛大雩季辛又雩傳曰秋書再雩旱甚定元年秋九月  
大雩七年秋大雩九月大雩十二年秋大雩僖二十一年  
夏大旱宣七年秋大旱莊三十一年冬不雨僖二年冬十  
月不雨三年正月不雨夏四月不雨六月雨傳曰自十月  
不雨至于五月不曰旱不為災文二年自十有二月不雨  
至于秋七月十年云自正月不雨至于秋七月十三年云  
自正月不雨至于秋七月是春秋之中不雨有七大旱有  
二大雩有二十一都并有三十莊三十一年冬不雨以冬  
時旱氣以過故不數僖二十一年夏大旱宣七年秋大旱  
二旱災成故不數昭二十五年一月再雩祇是一旱之事  
為再雩一雩不數定七年秋大雩亦一時之事而為二雩  
一雩不數成七年冬大雩穀梁云冬無為雩明亦不數三  
十之中去此六事不數唯有二十四在就二十四之中分  
為四部桓五年秋大雩說雩禮是一部也僖二年冬十月

不雨僖三年正月不雨夏四月不雨說禱禮是二部也文  
二年文十年文十三年旨云正月不雨至于秋七月說旱  
而不為災是三部也此二部摠有七條於二十四去七條  
餘有十七條說旱氣所由故鄭釋廢疾云春秋凡書二十  
四旱考異郵說云分為四部各有義焉是其事也凡正雩  
在周之六月常事不書書秋大雩傳不云旱者皆過雩之  
傳言旱者皆為旱雩雩也雩書月者為脩旱雩得禮故定  
元年穀梁傳曰雩月雩之正也秋大雩非正也案玉藻云  
至于八月不雨君不舉注云建子之月不雨盡建未乃始  
成災而僖二十一年夏大旱未至建未而為災者若霧露  
霑濡壟中有苗雖歷時不為災也文二年十年十三年自  
十二月正月不雨至秋七月是也至八月不雨乃為災若  
無霧露霑濡壟中無苗雖未至八月則為災故僖十一年  
夏六旱是也穀梁說云得雨曰雩不得雨曰旱公羊說言  
雩則旱見言旱則雩不見此二家之說不同鄭釋廢疾從  
穀梁之義雩之與禱所以異者考異郵說云天子禱九州



山川諸侯禱封內大夫禱所食邑又僖公三時不雨帥羣臣禱山川以過自讓凡雩必先禱故此經云乃命百縣祀祀山川百源始大雩帝是也禱者不雩僖公二年冬十月及三年春正月夏四月直為禱祭不為雩以非雩月故不雩 必以至櫻桃 正義曰黍是火穀於夏時與雜同薦之如鄭此言則黍非新成直取舊黍故下孟秋云農乃登穀注云黍稷於是始孰明仲夏未孰也蔡氏以為此時黍新孰今蟬鳴黍是也非鄭義也案月令諸月無薦果之文此獨羞含桃者以此果先成異於餘物故特記之其實諸果亦時薦 此月至藍蓼 正義曰別種藍之體初必叢生若及早栽移則有所傷損此月藍既長大始可分移布散引小正啓灌藍蓼者證此月養藍熊氏云灌謂叢生也言開闢此叢生藍蓼分移使之稀散 門閭至母索 正義曰蔡云門謂城門閭謂二十五家為閭闢市毋索者闢市停物之所商旅或隱藏其物以避征稅是月從長之時故不搜索其物 益其食 正義曰益其食挺重

囚連文鄭又無注皇氏以為增益囚之飲食義當然也熊氏以為益羣臣祿食其義非也 注馬政至攻駒 正義曰廋人職曰掌十有二閑之政教案校人職云天子十有二閑諸侯六閑大夫四閑每閑馬有二百一十六疋又阜馬佚特教駢攻駒注云阜盛壯也鄭司農云二歲曰駒三歲曰駢云謂逸者用之不使其勞安其血氣也教駢始乘習之攻駒駢 是月也日長至陰陽爭死生分 爭者其蹄齧者 陽方盛陰欲起 君子齊戒處必掩身毋躁 掩猶也分猶半也 也躁猶動也今月 止聲色毋或進 進猶御見也聲謂令毋躁為欲靜 薄滋味毋致和 為說夏至人主與羣臣從八能之士作樂五日今止之非其道也 節嗜欲定心氣 微陰扶精不可散也 百官靜事

氣異此時傷人 節嗜欲定心氣 微陰扶精不可散也 百官靜事



毋刑罪罰之事不可以以定晏陰之所成晏安也陰

稱安鹿角解蟬始鳴半夏生木堇榮又記時候也半

夏藥草木堇王蒸也是月也毋用火南方陽氣盛又用火於其方害微陰

也可以居高明可以遠眺望可以升山陵可

以處臺榭順陽在上也高明謂樓觀也疏正義曰

謂此月之時日長之至極大史漏刻夏至晝漏六十五刻

夜漏三十五刻是日長至也死生分者分半也陰氣既起

故物半死半生蔡云感陽氣長者生感陰氣成者死故於

夏至日相與分也君子至或進正義曰蔡氏云君子

謂人君以下至在位士也齋戒所以敬道萌陰也處必掩

身處猶居也掩隱翳也陰既始萌故君子居處不顯露恐

干陰也無躁者躁動也既不顯露又不得躁動宜靜以

安萌陰也鄭引今月令無躁為欲靜欲靜則無躁之義止

聲色者歌樂華麗之事為助陰靜故止之無或進者進御

見也既止聲色故嬪房不得進御侍夕也亦為微陰始動

不可動於陰事也蔡云方齋戒故止色內御之屬勿或有

所進也注易及至其道正義曰案易緯通卦驗云夏

至人主從八能之士或調黃鐘或調六律或調五音或調

五聲或調五行或調律曆或調陰陽或調正德所行注從

八能之士謂選於天下人眾之中取其習曉者而使之調

黃鐘者縣黃鐘於子其以大小之差展其聲調六律者六

律管陽也又有六呂為之合管有長短吹之以調樂器之

聲調五音者金為鐘革為鼓石為磬竹為管絲為絃皆有

聲變舒疾也匏也木也土也不言調者聲少變故不調調

五聲者宮商角徵羽聲弘殺緩急凡黃鐘六律之聲五音

之動與神靈之氣通人君聽之可以察己之得失而知羣

臣賢否調五行者五行謂五英調律曆者律曆謂六莖也

也

也

也

也

也

也

也

也

也

也

也

也



調陰陽者謂雲門咸池調正德所行者謂之大韶大夏大  
獲大武此鄭云五英謂顓頊樂名云六莖者帝學樂名云  
從八能之士注云從就也謂人主就八能之士於習樂之  
處而觀之作樂五日者謂日至之前豫前五日令八能之  
士習作其樂以迎日至樂緯協圖徵亦云從八能之士今  
月令於日至止聲色與諸緯文違故云非其道必知其緯  
文作樂為是者以周禮大司樂冬至祭天圜立夏至祭地  
方澤皆有作樂之文不得云止樂故知月令非也 注為  
其氣異此時傷人 正義曰滋味和調氣味殊異他時可  
食此時傷人 以定晏陰之所成 正義曰上從君子齋  
戒以下至無刑以上皆是清靜止息之事以正定身中安  
陰之所成就謂初感安陰若不清靜則微陰與人為病故  
須定之王肅及蔡氏皆云晏為以安定陰陽之所成非鄭  
旨也 注木槿王蒸 正義曰釋草云檝木槿櫬木槿某  
氏云別三名可食或呼為日及亦云王蒸其花朝生暮落  
注云閣者謂之臺有木者謂之榭 正義曰案釋宮云閣

謂之臺李巡云積土為之所以觀望郭景純云積土四方  
又云無室曰榭李巡云但有大殿無室名曰榭郭景純云

榭今之 仲夏行冬令則雹凍傷穀 子之氣乘之也  
陽為雨陰起

之疑 道路不通暴兵來至 盜賊攻劫 疏 正義曰  
亦雹之類 雹凍傷

穀天災道路不通 暴兵來至人災也 行春令則五穀晚孰 卯之氣乘  
之也生日

長 百騰時起其國乃饑 騰蝗之屬言百者 疏 正  
明眾類並為害 義

曰五穀晚孰天災百騰時 起地災其國乃飢人災也 行秋令則草木零落 酉  
之氣乘之也生日

氣乘之也八月宿直 果實早成 生日 民殃於疫  
短

大陵之氣 疏 正義曰草木零落果實早  
來為害也 成地災民殃於疫人災也



禮記正義卷第二十三

禮記正義卷第二十四

國子祭酒上護軍曲阜縣開國子臣孔穎達等奉

勅撰

季夏之月日在柳昏火中且奎中

季夏者日月會於鶉火而

斗建未之辰也

其日丙丁其帝炎帝其神祝融其蟲

羽其音徵律中林鍾其數七其味苦其臭

焦其祀竈祭先肺

林鍾者黃鍾之所生三分去一

律應周語曰林鍾和展百物俾莫不任肅純恪

**疏**

正義曰案三統曆六月節日在柳九度昏尾七度中去日



一百一十九度日婁八度中六月中日在張三度昏箕三  
度中去日一百一十七度日胃十四度中元嘉曆六月節  
日在井三十二度昏房四度中且東壁八度中六月中日  
在柳十二度昏尾八度中且奎十二度中 **林鐘至純**  
恪 正義曰案律曆志黃鐘長九寸三分去一下生林鐘  
故林鐘長六寸引周語曰下者證林鐘之義故周語云林  
鐘和展百物俾莫不任肅純恪案注云坤初六也林衆鐘  
聚肅速純大恪敬言時務和審百事無有詭詐使莫不任  
其職事速其功 而大敬其職 **溫風始至蟋蟀居壁鷹乃學習**

**腐草為螢**

皆記時候也鷹學習攫搏也夏小  
正曰六月鷹始摯螢飛蟲螢火也

**天子**

**居明堂右个乘朱路駕赤駟載赤旂衣朱  
衣服赤玉食菽與雞其器高以粗**  
明堂右个南  
堂西偏也

**命漁師伐蛟取鼉登龜取鼈**

四者甲類秋乃  
堅成周禮曰秋

獻龜魚又曰凡取龜用秋時是夏之秋也作月令者以為  
此秋據周之時也周之八月夏之六月因書於此似誤也  
蛟言伐者以其有兵衛也龜言登者尊之也鼉龜言  
取着物賤也鼉皮又可以冒鼓今月令漁師為榜人 **命**

**澤人納材葦**

蒲葦之屬此時柔  
刃可取作器物也

**疏**

正義曰蟋蟀居  
壁者此物生在

於土中至季夏羽翼稍成未能遠飛但居其壁至七月則  
能遠飛在野案爾雅釋蟲云蟋蟀葦也孫炎曰蜻蛚也梁  
國謂葦郭景純云今促織蔡以為蟋蟀斯螽非也 鷹乃  
學習者於時二陰既起鷹感陰氣乃有殺心學習搏擊之  
事案鄭志焦氏問云仲秋乃鳩化為鷹仲春鷹化為鳩此  
六月何言有鷹學習乎張逸答曰鷹雖為鳩亦自有真鷹  
可習矣 腐草為螢者腐草此時得暑濕之氣故為螢不  
云化者蔡氏云鳩化為鷹鷹還化為鳩故稱化今腐草為



螢螢不復為腐草故不稱化 注謂攫至螢火 正義曰

攫謂以足取物搏謂以翼擊物云螢飛蟲者案釋蟲云螢

火即炤李巡云螢火夜飛腹下如火故曰即炤 命漁至

取龜 正義曰此命漁師及仲夏養壯佼之等皆是煩細

之事或非止一月所為故不言是月也故注云四者甲類

秋乃堅成明非獨季夏而取 注周禮至榜人 正義曰

引周禮秋獻龜魚是獻人職文又云凡取龜用秋時是龜

人職文引之者證作記之人謂此禮是周之秋八月當夏

之六月故誤書於 此言記者之非 是月也命四監大合百縣之

秩芻以養犧牲令民無不咸出其力 四監

王山

林川澤之官百縣鄉遂之屬地有山林川澤者也秩芻也

百縣給國養犧牲之芻多少有常民皆當出力為艾之令

月令四 為田 以共皇天上帝名山大川四方之神以

祠宗廟社稷之靈以為民祈福 牲以供祠

求福明使民艾芻是不虛取也皇天北辰耀 疏 正義曰

魄寶冬至所祭於圓丘也上帝太微五帝 以四監

合其秩芻以共皇天上帝其事既大又異於上故言是月

自命婦官至等級之度論黼黻文章給郊廟祭祀之服事

異於上帝養犧牲故言是月自樹木方盛至則有天殃論

禁斷餘事助時生養亦事異於上故言是月自土潤辱暑

至土疆論上暑下潤糞地為宜享異於上故復言是月

注四監至為田 正義曰案周禮有山虞澤虞林衡川衡

之官秩芻出於山林又季冬云乃命四監收秩薪柴薪柴

亦出於山林川澤云百縣鄉遂之屬地有山林川澤者知

百縣非諸侯而云鄉遂之屬以其取芻養牲不可大遠故

知是畿內鄉遂仲夏云乃命百縣雩祀百辟卿士者兼外

內諸侯也此云鄉遂之屬者不兼公卿大夫之采邑秩常

釋古文云今月令四為田者令田監大合秩芻義亦通也

禮記卷之四

禮記卷之四

禮記卷之四

禮記卷之四

禮記卷之四

禮記卷之四

禮記卷之四

禮記卷之四



**注**為民至五帝 正義曰為民求福者雖是尋常事神因  
事神之時為民祈福云是不虛取者若不為祈福浪使民  
艾芻是在上虛取民力今還祈福與民民皆蒙福是不虛  
取民力役使之也云上上帝大微五帝者案周禮司服云昊  
天上帝鄭以為昊天上帝祇是一神北極耀魄寶也知此  
皇天上帝不祇是耀魄寶之上帝為大微者以周禮司服  
云祀昊天上帝大裘而冕祀五帝亦如之既別云五帝故  
知昊天上帝亦唯一神此月令皇天上帝之下更無別五  
帝之文故 是月也命婦官采黼黻文章  
分為二

必以法故無或差貸 婦官采人也采五色 黑黃倉赤莫

不質良毋敢詐偽 質正也良善也所用采者當得真采正善也 以給

郊廟祭祀之服以為旗章以別貴賤等給

之度 旗章旌旗 **疏** 正義曰於此月之時命掌婦功之官謂染人也染此五色之采白與

黑謂之黼黑與青謂之黻青與赤謂之文亦與白謂之章

染此等之物必以舊法故事無得有參差貸變必以此月

染之者以其盛暑濕染帛為宜此是秦法也若周則於夏

豫浸治染纁玄之石至秋乃摠染五色故染人云夏纁玄

秋染夏是也蓋從夏至秋皆得染物周秦各用一時也此

云黼黻文章下云黑黃蒼赤互相備也 **注**婦官染人也

采五色 正義曰案周禮婦官有典婦功典染人等此  
據染采故為染人采五色者鄭注臯陶謨曰采施曰色未  
用謂之采已用謂之色此對文耳散則通 **注**旗章至章  
識 正義曰旌旗者則周禮司常九旗是也章識者則周  
禮事名號故司常云官府象其事州里象其名家象其號  
鄭注引士喪禮以緇廣三寸長半幅頰末長終幅詩織文  
鳥章 是月也樹木方盛乃命虞人入山行  
是也



木母有斬伐

為其未堅刃也

不可以興土功不可

以合諸侯不可以起兵動眾

土將用事氣欲靜

毋舉

大事以搖養氣

大事興縣役以有為

毋發令而待以妨

神農之事也

發令而待謂出縣役之令以預驚民也民驚則心動是害土神之氣土神稱曰

神農者以其主於稼穡

水潦盛昌神農將持功舉大

事則有天殃

言土以受天雨澤安靜養物為功動之則致害也孝經說曰地順受澤謙虛開

張含泉任萌滋物歸中

**疏**

注土將用事氣欲靜正義曰土雖寄王於四季但南方火生中央土土生西

萬金金火之間位當建未之月故云土將用事氣欲靜也無發至之事

正義曰發令者發動徵召之令也而待者

謂時未順而豫動召以待後時乃使也以妨神農之事者解所以不豫發令也神農者土神也雨時土神用事若逆

令召民民驚心動是妨土神之氣事也注土稱至稼穡正義曰土神能吐生萬物成其農事故曰神農知土主稼

穡者尚書洪範云土爰稼穡孔傳曰種曰稼斂曰穡蔡氏云神農則炎帝非鄭義也水潦至天殃正義曰六月

主未未有東井東井是水故六月而水潦盛昌也神農將持功者神農猶土神也土地本受天雨澤水潦以為生養

之功此月多水故土神方得將持功也舉大事則有天殃者神農方持功若人君有舉大事于養氣者非唯神農

罪之則天亦殃罰之也犯土而天罰之者地受天澤得以含養今若干地則是干天也注言土至歸中正義曰

解所以犯天殃之義也云動之則致災害者若動地則致干災害是地功由天也云孝經說曰地順受澤謙虛開張

者引孝經說證地受天澤為成己功也地體卑順故受天之雨澤而體得謙虛開張也云含泉任萌滋物歸中者亦



孝經說也既謙虛開張故能舍於水泉  
任萌一切之物並滋繁而歸地中也  
是月也土潤

辱暑潤辱謂塗溼也大雨時行燒薙行水利以殺

草如以熱湯薙謂迫地芟草也此謂欲稼菜地先薙其草草乾燒之至此月大雨流水潦畜

於其中則草死不復生而地美可稼也薙人掌殺草職可  
曰夏日至而薙之又曰如欲其化也則以水火變之

以糞田疇可以美土疆土潤辱膏澤易行也糞美互文耳土疆強墾之地疏

正義曰六月建未未值井井主水大雨時行土既潤辱又  
大雨應時行也不云降降止是下耳欲言其流義故云行

行猶通被也蔡云大雨時行行降也從土潤以下皆為下  
句燒薙謂迫地芟除草名也周禮立其官使除田草也五

月夏至芟殺暴之至六月合燒之故云燒薙也行水者其  
時也大雨時行行於所燒田中仍壅遏蓄之以漬燒薙故

云行水也 利以殺草者利益也先芟後燒又蓄水漬之

即草根爛死是利益得殺田中之草也如以熱湯有日暴

水於爛草田中水熱而沫沸如熱湯漬之也 薙人至

變之 正義曰引薙人證芟草時節案薙氏云春始生而

萌之夏日至而夷之秋繩而芟之冬日至而耜之杜子春

云萌謂耕反其萌牙康成云萌之者以茲其所其生者夷

之以鉤鑱迫地芟之也若今取芟矣含實曰繩芟其繩則

實不成熟耜之以耜測凍土刻之案皇氏云夷音薙繩音

孕云又曰如欲其化則以水火變之者謂先以火焚燒其  
草在後以水浸漬之變此培地為肥故云水火變之先火  
後水而云水火者便言也 可以至土疆 正義曰於此  
月之中又可行以下二事也糞壅苗之根也蔡云穀田曰  
田麻田曰疇言爛草可以糞田使肥也可以美土疆者疆  
者疆墾磊硯難耕之地此月亦可止水漬之乃壅糞之使  
田美也 正義曰土潤辱則土之膏澤  
易行故可糞美之使肥易也蔡前云從土潤以下皆為下



句是與鄭相合也云糞美互文耳者亦可以美田疇可以糞土疆故言互文也云土疆強藥之地者強是不軟藥是墟闕也並謂礪礪磊礪之地也草人職云疆藥用黃疆藥強堅者也季夏行春令則穀

**實鮮落國多風效**  
辰之氣乘之也未屬巽辰又在巽位二氣相亂為害  
**民乃**

**遷徙**  
象風轉移物也  
**疏**  
正義曰穀實鮮落謂鮮少墮落由風多故也或云以夏召春氣初鮮絮而

逢秋氣肅殺故穀鮮絮而墮落也此地災  
**國多風效此**  
是天災也民乃遷徙是人災也  
**注**  
未屬巽  
**正義曰寒**

易林云震主庚子午巽主辛丑未坎主戊寅申島  
**行秋**  
主巳卯酉艮主丙辰戌允主丁巳亥是未屬巽也

**令則丘隰水潦**  
戊之氣乘之也九月宿直奎奎為溝瀆溝瀆與此月大雨井而高下皆水

**禾稼不孰**  
傷於水也  
**乃多女災**  
含任之類敗也  
**疏**  
正義曰丘隰水潦及下

**不孰地災也**  
以其水氣多故也乃  
**行冬令則風寒不**  
多女災人災也亦為水傷舍任也

**時**  
田之氣乘之也  
**鷹隼蚤鷙**  
得疾厲之氣也  
**四鄙入保**  
象鳥雀之走窟

也都邑之城曰保  
**疏**  
正義曰以田未屬巽十二月建丑得巽之氣故為風又建丑之月大寒中故多風寒

此天災也  
**鷹隼蚤鷙**  
夏地氣殺害之象地災也  
**中央土**  
火休而盛德在土也  
**其日戊**

**己**  
戊之言茂也已之言起也日之行四時之間從黃道月為之佐至此萬物皆枝葉茂盛其含秀者抑屈而起故

因以為日名焉  
**其帝黃帝其神后土**  
此黃精之君土官之神自古以來著

德立功者也黃帝軒轅氏也后土亦顓頊氏之子曰黎兼為土官  
**其蟲倮**  
象物露見不隱藏虎

豹之屬  
**其音宮**  
聲始於宮宮數八十一屬土者以其最濁君之象也季夏之氣和則宮聲



調樂記曰宮亂則荒其君驕律中黃鍾之宮黃鍾之宮最長也十二律轉相生五

聲具終於六十焉季夏之氣至則黃鍾之宮應禮運曰五聲六律十二管還相為宮其數五土生

成數十但言五其味甘其臭香土之臭味也凡其甘香者皆屬之

祀中雷祭先心中雷猶中室也土主中央而神在室古者復穴是以名室為雷云祀之先

祭心者五藏之次心次肺至此心為尊也祀中雷之禮設主於牖下乃制心及肺肝為俎其祭內心肺肝各一他皆

如祀戶天子居大廟大室乘大路駕黃駟載之禮

黃旂衣黃衣服黃玉食稷與牛其器圜以

闕大廟大室中央室也大路殷路也車如殷路之制而飾之以黃稷五穀之長牛土畜也器圜者象土周而

於四時闕讀如絃紘正義曰夫四時五行同是天地所生而四時是氣五行是物氣

謂中寬象土含物是輕虛所以麗天物體質礙所以屬地四時係天年有三

百六十日則春夏秋冬各分居九十日五行分配四時布於三百六十日間以木配春以火配夏以金配秋以水配

冬以土則每時輒寄王十八日也雖每分寄而位本未宜處於季夏之末金火之間故在此陳之也

其曰戊己正義曰雖處於夏末而實為四行之主不可沒其生用之

功故因亦為日名也正義曰案考靈

曜春則星辰西遊謂星辰在黃道之西遊也日依常行在黃道之東至季春之月星辰入黃道復其正處日依黃道

而行其春夏之間日從黃道夏則星辰北遊謂星辰在黃道之外遊也日依常行在黃道之南至季夏星辰入黃道

復正位日依常行黃道至夏秋之間日從黃道也秋則星辰東遊謂星辰在黃道東遊日依常行在黃道之西至季

秋星辰入黃道還復正位日依黃道而行至秋冬之間日



從黃道也冬則星辰南遊謂星辰在黃道南遊日依常行  
在黃道之北至季冬星辰入黃道還正位日依常行黃道  
至冬春之間日從黃道也鄭注洪範云四時之間合於黃  
道也月之行道與日同故云月為之佐也 后土至土  
官 正義曰案昭二十九年左傳云顓頊氏有子曰犂農  
祝融共工氏有子曰句龍為后土后土為土官知此經后  
土非句龍而為犂農者以句龍初為后土後轉為社后土官  
禍犂則兼之故鄭注大宗伯云黎食於火土以宗伯別云  
社稷又云五祀句龍為社神則不得又為五祀故云黎養  
也 象物至淺毛 正義曰大戴禮及樂緯云鱗蟲三  
百六十龍為之長羽蟲三百六十鳳為之長毛蟲三百六  
十麟為之長介蟲三百六十龜為之長裸蟲三百六十聖  
人為之長云象物露見不隱藏者案仲夏云可以居高明  
可以處臺榭至六月土王之時物轉壯大露見不隱藏也  
云虎豹之屬恒淺毛者諸鄭之所云皆據四時之物與鱗  
羽毛介相似者言之不取五靈之長故中央不言人西云

狐貉之屬東方兼言蛇北方兼言鼈是不取五靈也  
聲始至之象 正義曰案律曆志五聲始於宮陽數極於  
九九九相乘故數八十一以五聲中最尊故云以其最濁  
君之象也 律中黃鐘之宮 正義曰黃鐘之宮於諸宮  
為長季夏土王其聲最重謂土之聲氣應此黃鐘之宮聲  
非黃鐘一聲也故特云律中者黃鐘之宮也黃鐘候氣之  
管本位在子此是黃鐘宮聲與中央土聲相應但土無候  
氣之法取黃鐘宮聲以應土耳非候氣也故賀瑒云黃鐘  
是十一月管何緣復應此月正以土義居中故虛設律於  
其月實不用候氣也十二律互相為宮據律主言之也崔  
靈恩云凡陰陽之管合有十二律律各為一調迭相為宮  
而生五聲合而成樂黃鐘宮最長為聲調之始十二宮之  
主宮音者是五音之長故與黃鐘之調宮聲相應此論宮  
聲相應非論候此月氣之相應是以注云季夏氣至則黃  
鐘之宮應不直云黃鐘之律應也然則直言律應不言宮  
者明主為所候之氣應也直言律中黃鐘之宮不言律應



者明謂中央土聲與黃鐘為宮音相應非為氣應也故鄭引禮運云迭相為宮以證之也四時之律皆取氣應而土王之律獨取聲應者一者欲與四行為互二者為無別候土氣之管故也土無候氣之管者以寄王四季之末故從四時之管而不別候也唯以四行末十八日為土之氣也蔡氏及熊氏以為黃鐘之宮謂黃鐘少宮也半黃鐘九寸之數管長四寸五分六月用為候氣案六月林鐘之律長六寸七月夷則長五寸三分有餘何以四寸五分之律於六月候之乎又土聲最濁何得以黃鐘半聲相應乎蔡熊之說非也 黃鐘至為宮 正義曰不云黃鐘律最長而云黃鐘之宮最長者唯黃鐘宮聲於諸宮最長故云之宮也云十二律轉相生五聲具終於六十者案黃鐘之調均則黃鐘為宮黃鐘生林鐘為徵林鐘生大簇為商大簇生南呂為羽南呂生姑洗為角此是黃鐘一調之五聲凡十二律律各有五聲則摠有六十聲故云終於六十聲至禮運更具詳之云季夏氣至則黃鐘之宮應者謂季夏土

聲與黃鐘之宮聲相應以其非實候氣故不云黃鐘之律應或本云律應者誤也引禮運還相為宮者證所明十二律循環為宮聲調則具而此經得黃鐘之宮 中雷至之禮 正義曰鄭意言中雷猶中室乃是開牖象中雷之取明則其地不當棟而在室之中央故喪禮云浴於中雷飯於牖下明中雷不關牖下也主中央而神在室者所以必在室中祭土神之義也土五行之主故其神在室之中央也是明中雷所祭則土神也故杜注春秋云在家則祀中雷在野則為社也又郊特牲云家主中雷而國王社社神亦中雷神也云古者復穴是以名室為雷云者解所以謂室中為中雷之由也古者謂未有宮室之時也復穴者謂窟居也古者窟居隨地而造若平地則不鑿但累土為之謂之為復言於地上重複為之也若高地則鑿為坎謂之為穴其形皆如陶竈故詩云陶復陶穴是也故毛云陶其土而復之陶其壤而穴之鄭云復者復於土上鑿地曰穴皆如陶然故庾蔚云復謂地上累土謂之穴則穿地也



復穴皆開其上取明故雨雷之是以後因名室為中雷也  
云祀之先祭心者五藏之次心次肺至此心為尊也云祀  
中雷之禮設主於牖下者開牖象雷故設主於牖下也五  
祀皆先席於室之奧此不言者前祀戶注已備言也此別  
設主當廟室牖內之下而北嚮也云乃制心及肺肝為俎  
其祭肉心肺肝各一他皆如祀戶之禮者亦祭竟徹之更  
陳鼎俎迎尸如祭戶也 注大廟至含物也 正義曰案  
考工記云周人明堂東西九筵南北七筵凡室二筵則五  
室並皆二筵無大小也今中央室稱大室者以中央是  
室土為五行之主尊之故稱大以夏之世室則四旁之室  
皆南北三步東西三尺中央土室南北四步東西四  
步四尺則周之明堂亦應土室在中央大於四角之室也  
但文不具耳云大路房路者明堂位文也形制似房之路  
者但服色尚黃飾之黃耳四時用鸞路此用大路者以土  
五行之主故取尊大之名乘房之大路又尚質之義春有  
青蒼兩色夏有朱赤二色此及秋唯有黃白不更加他色

者黃與白更無餘色相涉故不言之耳牛土畜者案易乾  
為馬坤為牛又五行傳云思之不睿則有牛禍是牛屬土  
也云器圜者象土周而於四時者方則有所不足圜則無  
所不覆故云象土周而於四時云閱讀如紘紘謂中寬者  
祭義云天子冕而朱紘故讀從此紘謂組上屬於冕屈從  
頤下度而還上屬於冕以中央寬緩象土之含物也故云  
中寬象土 **○孟秋之月日在翼昏建星中曰畢中**  
含物也

孟秋者日月會於鶉尾而斗建申之辰也 **其日庚辛**  
庚之言更也辛之言新也日之行秋西從白道

成孰萬物月為之佐萬物皆肅然 **其帝少暉其神蓐**  
改更秀實新成又因以為日名焉

**收** 此白精之君金官之臣自古以來著德立功者 **其蟲**  
也少暉金天氏蓐收少暉氏之子曰該為金官

**毛** 象物應涼氣而備寒 **其音商**  
狐貉之屬生旃毛也 三分爵益一以生商 商數七十二屬金者



以其濁次宮臣之象也秋氣和則律中夷則孟秋氣至則夷

商聲調樂記曰商亂則破其官壞則之律應夷則者大呂之所生也三分去一律長五寸七

百二十九分寸之四百五十一周語曰夷則所以詠歌九則平民其數九金生數四成數九但其味辛其臭

腥金之臭味也凡辛腥者皆屬焉其祀門祭先肝秋陰氣出祀之於門外陰也祀

之先祭肝者秋為陰中於藏直肝肝為尊也祀門之禮北面設主于門左樞乃制肝及肺心為俎奠于主南又設盛

于俎東其他皆如祭竈之禮涼風至白露降寒蟬鳴鷹乃

祭鳥用始行戮皆記時候也寒蟬寒蜩謂蜺也鷹祭鳥者將食之示有先也既祭之

後不必盡食若人天子居總章左个乘戎路駕

君行刑戮之而已

白駱載白旂衣白衣服白玉食麻與犬其

廉以深總章左个大寢西堂南偏戎路兵車也制如周革路而飾之以白白馬黑鬣曰駱麻實有文理

屬金犬金畜也器廉以深象金傷害物入藏正義曰案三統曆七月節日在張十八度昏斗四度中去

日一百一十四度且畢八度中七月中日在翼十五度昏斗十六度中去日一百一十一度且井初度中元嘉曆七

月節日在張五度昏箕二度中且胃二度中七月中日在翼十度昏斗三度中且昴七度中注少暉至金官正

義曰案此秋云其帝少暉在西方金位左傳昭元年云昔金天氏有裔子曰昧為玄冥師生允格臺駘稱金天氏與

少暉金位相當故少暉則金天氏也又帝王世紀少暉帝號曰金天氏云少暉氏之子曰該為金官者案左傳昭二

十九年蔡墨云少昊氏之子該又云該為蓐收是為金神佐少暉於秋蓐收者言秋時萬物摧辱而收斂注三分



至官壞 正義曰案律曆志云徵數五十四三分之則一分有十八今於徵數五十四上更加十八是商數七十二也凡五聲濁者尊清者卑為商聲之濁次於宮宮既為君商則為臣故云以其濁次君臣之象也引樂記云者證商為臣之義云商亂則陂者謂商聲雜亂感動人心令情性傾陂情既不正是以官司敗壞也 ⑤夷則至無二 正義曰大呂長八寸二百四十三分寸之一百四三分去一下生夷則故夷則律長五寸七寸七分九分寸之四百五十一也六寸去二寸餘有四寸在又大呂一寸為二百四十三分今每寸更三分之則一寸為七百二十九分兩個整寸摠有一千四百五十八分其大呂二百四十三分寸之一百四每又三分之此一百四為三百一十二分益前一千四百五十八則摠為一千七百七十分下生三分去一分作三分則每一分得五百九十去其一分五十九餘有一千一百八十在是其積分以七百二十九分為一寸益前四寸為五寸餘有四百五十一分在故云夷則律

長五寸七寸二十九分寸之四百五十一也 ⑥周語注云乾九五用事夷則也言法度平故可詠歌九功之法平民使不貧也 ⑦禮正義曰云祀之先祭肝者秋為陰中於藏值肝者以陰氣始於五月終於十月其七月八月為陰之中故云秋為陰中其陽氣始於十一月終於四月正月二月為陽中故正月云春為陽中然陰中之時兼有陽陽中之時兼有陰亦是陰陽之中也今五藏肺最在前心次之肝次之脾次之腎為後肝在心肺之下脾腎之上故云於藏值肝然脾在肺心肝之下腎之上則是上有肺心肝下唯有腎不當其中而云春為陽中於藏值脾者但五行相次水則次木故春繼於冬腎後則次脾其火後則次土土後乃次金故秋不得繼夏由隔於土由此脾不得繼肺隔於心也為此肝之上有肺有心脾之下唯有腎俱得為藏之中也云北面設主於門左樞者謂廟門外左樞北面以在門外故主得南嚮而北面設之云乃制肝及肺心為俎奠于主



南設盛一沮更者皆約中雷禮文也其他皆如祭竈之禮也謂祭心肝各一反祭醴三并設席於與迎尸之屬也  
寒蟬至而已正義曰案釋蟲云蜺寒蜩郭景純云寒也似蟬而小青赤云鷹祭鳥者將食之示有先者謂鷹欲食鳥之時先殺鳥而不食與人之祭食相似猶若供祀先神不敢即食故云示有先也云既祭之後不必盡食若人君行刑戮之而已者以經用始行戮不據事以經唯記時候謂鷹祭鳥之後殺鳥不必盡食猶若人君行刑但戮之而已以人君行戮明鷹之殺言鷹於此時始行戮鳥之事是月也以立秋先立

秋三日大史謁之天子曰某日立秋盛德在

金謁告天子乃齊立秋之日天子親帥三公九

卿諸侯大夫以迎秋於西郊還反賞軍帥

武人於朝迎秋者祭白帝白招拒於西郊之兆也軍帥諸將也武人謂環人之屬有勇力者

天子乃命將帥選士厲兵簡練桀俊專

任有功以征不義征之言正也伐也詰誅暴慢以明

好惡順彼遠方詰謂問其罪窮治之也順猶服也是月也命

有司脩法制繕囹圄具桎梏禁止姦悖

罪邪務搏執順秋氣政尚嚴命理瞻傷察創視折

理治獄官也有虞氏曰士夏曰大理周曰大司寇創之殘者曰傷審斷決獄訟必

端平端猶正也戮有罪嚴斷刑天地始肅不可



以贏音嚴急之言也贏猶解也是月也農乃登穀天子

嘗新先薦寢廟黍稷之屬於是始孰命百官始收斂

氣收斂物宇隄坊謹壅塞以備水潦備者備八月也八月宿直畢畢是月也

好脩宮室坏牆垣補城郭象秋收斂物當藏也

毋以封諸侯立大官毋以割地行大使

出大幣古者於嘗出田邑此其月也而禁封諸侯割地失其義

大嘗麻今不云牲者皇氏云不云牲記文略也至其義正義曰案祭統古者於嘗也出田邑嘗謂秋祭

此嘗祭之時王者割出田邑以與諸侯今正是嘗祭之時而禁封諸侯及割地之事故云失其義也鄭唯偏云不

封諸侯及割地失其義則毋立大官毋行大使毋出大幣為得禮以其收斂之月故也子孟秋行冬

令則陰氣大勝亥之氣乘之也介蟲敗穀介甲也甲蟲屬冬敗

穀者稻籬之屬戎兵乃來十月宿直營室營室之氣為害也營室主武士

氣大勝天災介蟲敗穀地災戎兵乃來人災也至之屬正義曰案越語云越伐吳吳王使王孫雄請成

於越越王欲許之范蠡不許王孫雄謂范蠡曰先人有言曰無助天為虐助天為虐者不祥今吳稻蟹無遺種子將

助天為虐乎注稻蟹謂蟹食稻也義曰案元命包云營室星十六度主軍之糧是主武士也

行春令則其國乃旱寅之氣乘之也陽氣

復還五穀無實陽氣能生而不能成行夏令則國多



火災已之氣乘之也

寒熱不節民多瘧疾

瘧疾寒熱所為也今

月令瘧疾為疾疫

**疏**

正義曰其國乃旱陽氣復還天災也五穀無實地災也國多至瘧疾正義曰國

多火災寒熱不節天災也民多瘧疾人災也

○仲秋之月日在角昏牽

牛中旦觜觶中

仲秋者日月會於壽星而斗建酉之辰也

其日庚

辛其帝少暉其神蓐收其蟲毛其音商

律中南呂其數九其味辛其臭腥其祀

明祭先肝

南呂者大蕪之所生三分去一律長五寸三分寸之一仲秋氣至則南呂之律應周

語曰南呂者贊陽秀物

盲風至鴻雁來玄鳥歸羣鳥養

羞

皆記時候也盲風疾風也玄鳥燕也歸謂去蟄也凡鳥隨陰陽者不以中國為居羞謂所食也夏小正曰

九月丹鳥羞白鳥說曰丹鳥也者謂丹良也白鳥也者謂閩蚋也其謂之鳥者重其養者也有翼為鳥養也者不盡

食也二者文異羣鳥丹良未聞孰是

天子居總章大廟乘戎路

駕白駱載白旂衣白衣服白玉食麻與

犬其器廉以深

總章大廟西堂當大室也

**疏**

正義曰三統曆八月節日在軫

十二度昏斗二十六度中去日一百六度旦井二度中八月中日在角十度昏女三度中去日一百二度旦井二十

一度中案元嘉曆八月節日在翼十七度昏斗十四度中旦畢十六度中八月中日在軫十五度昏斗二十四度中

旦井九度中

南呂至秀物

正義曰大蕪長八寸三分去一下生南呂三寸去一寸六寸去二寸得四寸又有



整二寸在分一寸作三分二寸為六分更三分去一餘有四分在以三分為一寸益前四寸為五寸仍有一分在故云南呂律長五寸三分寸之一也引周語曰以下者證南呂之義案周語注坤六二也南任也陰任陽事助成萬物贊佐也陰佐陽秀成物也注盲風至孰是正義曰盲風疾風者皇氏云秦人謂疾風為盲風玄鳥鶯者釋鳥文玄鳥歸為仲秋之候玄鳥至不為仲春之候由別與郊禘為候或可仲春時候非一故記時候之中不載玄鳥云凡鳥隨陰陽者不以中國為居者凡鳥鴻鴈之屬也故季秋云鴻鴈來賓言來賓是不以中國為居皇氏之說即兼云玄鳥以其稱歸故也然玄鳥之蟄不遠在四夷而云不以中國為居者他物之蟄近在本處今玄鳥之蟄雖不遠在四夷必於幽僻之處非中國之所常見故云不以中國為居也云羞謂所食者案夏小正云羞者進也若食之珍羞相似故云羞謂所食者也云夏小正曰九月丹鳥羞白鳥者今案大戴禮八月丹鳥羞白鳥今云九月者鄭所見本

異也丹鳥以白鳥為珍羞故云丹鳥羞白鳥云說曰丹鳥也者以下至不盡食皆小正文白鳥也者謂閏幼也其謂之鳥者重其所養者丹良是蟲乃謂之鳥是重其所養之物不盡食之雖蟲而謂鳥也但未知丹良竟是何物皇氏以為丹良是熒火今案爾雅釋蟲郭氏等諸釋皆不云熒火是丹良未聞皇氏何所依據云二者文異羣鳥丹良未聞孰是者月令云羣鳥養羞夏小正云丹鳥羞白鳥是二者文異月令云羣鳥夏小正說者云丹良故云羣鳥丹良未聞孰是助老氣也乃命司服具飭衣裳六繡有恒制行猶賜也

是月也養衰老授几杖行糜粥飲食

乃命司服具飭衣裳六繡有恒制

有小大度有短長此謂祭服也文謂畫也衣服

有量必循其故此謂朝燕及他服凡為寒益至也詩云七月流火八月授衣於是



作之冠帶有常因制衣服而作之也乃命有司申嚴百

刑斬殺必當毋或枉撓枉撓不當反受其

殃申重也當謂值其罪疏正義曰此論養老及制衣服之事皆此月所為故言是月所命有司斬殺必當

雖異衣服養老但此事起孟秋申嚴而已故附於養

老衣服之下不更別言是月也自乃命祝宰至先薦寢廟

論循行犧牲享祭上帝并難以達秋氣犬以嘗麻摠是祠

祀之事事異於上故言是月自可以築城郭至行罪无疑

論築造城邑收斂積聚勸課種麥為農為民亦事異於上

故云是月自日夜分至角斗角論晝夜既等齊平度量又

事異於前故言是月自易開市至慎因其類論秋物新成

使民財豐備無逆于天有順於時亦事異於前故言是月

**此謂至繡裳**正義曰此云文繡又下文別云衣服有

量故鄭知此經謂祭服也經云具飭衣裳飭謂正也言備

其正理衣裳云文謂畫也者以經文與繡相對祭服

而文畫故以文為畫也云祭服之制畫衣而繡裳者宗尚

書谷絲謨云予欲觀古人之象日月星辰山龍華蟲藻

是衣畫也宗彝藻火粉米黼黻絺繡是裳繡也畫色繡故

在衣以法天繡色重故在裳以法地也衣服有量必循

其故正義曰此朝燕等之衣服小大長短及制度采色

皆有度量必因循故法也不得別更改造此云循其故上

云文繡有恒恒則故也但上是祭服委曲言之**此謂**

至之可

正義曰上是祭服故知此是朝燕也及他服者

謂戰伐田獵等之服引詩七月流火者證寒之益至故作

衣服此詩是豳風周公所作周公因管蔡流言遂陳先公

居幽施化之事言七月之時火星西流九月之時當授民

以衣服**申重至其罪**正義曰申重也釋古文云當

謂值其罪者言斷決罪人之時必須當值所犯之罪經云

枉撓不當枉謂違法曲斷撓謂有理不**是月也乃命宰**

申應重乃輕應輕更重是其不當也



祝循行犧牲視全具案芻豢瞻肥瘠察物

色必比類量小大視長短皆中度五者備

當上帝其饗於鳥獸肥充之時宜省羣牲也宰祝大宰大祝主祭祝之官也養牛羊曰

芻犬豕曰豢五者謂所視也所察也所瞻也所察也所量也此皆得其正則上帝饗之上帝饗之而無神不饗也

天子乃難以達秋氣此難難陽氣也陽暑至此不衰害亦將及人所以及

人者陽氣左行此月宿直昴畢昴畢亦得大陵積尸之氣氣快別厲鬼亦隨而出行於是亦命方相氏帥百隸而難

之王居明堂禮曰仲秋九門以犬嘗麻先薦寢廟

麻始也是月也可以築城郭建都邑穿竇窖

脩囷倉為民將入物當藏也穿竇窖者入地階曰竇方曰窖王居明堂禮曰仲秋命庶民畢入于室曰

時殺將至乃命有司趣民收斂務畜菜多

積聚始為禦冬之備乃勸種麥毋或失時其有失

時行罪無疑麥者接絕續乏之穀尤重之是月也日夜分

雷始收聲蟄蟲蟲坏戶殺氣浸盛陽氣日

衰水始涸又記時候也雷始收聲在地中動內物也坏益也蟄蟲益戶謂稍小之也涸竭也此

甫八月中雨氣未止而云水竭非也周語曰辰角見而雨畢天根見而水涸又曰雨畢而除道水涸而成梁辰角見

九月本也天根見九月末也王居明堂禮曰季秋除道致梁以利農也日夜分則同度



量平權衡正鈞石角斗角

**疏**

正義曰此月鳥獸肥充因宜省

視故命之循行犧牲以下之事也 視全具者亦宰祝所  
視也下皆然王肅云純色曰犧體字曰全 案芻豢者食  
草曰芻食穀曰豢皆案行之也瞻肥瘠者瞻亦視也肥充  
也瘠瘦也 察物色者物色駢類之別也周禮陽祀用騂  
陰祀用黝望祀各以其方之色也 必比類者已行故事  
曰比品物相隨曰類五方本異其色是比也大睥配東亦  
用青是其類也 量小大者大謂牛羊豕成牲者小謂羔  
豚之屬也 視長短者謂天地之牛角齒栗宗廟之牛角  
握之屬也 五者備當上帝其饗者上帝天也若事事當  
法則天神饗之也 **注**宰祝至曰豢 正義曰案周禮大  
宰職祀五帝則掌百官之誓戒及執事眡滌濯及納亨贊  
王牲事故鄭知此視牲由大宰云養牛羊曰芻大豕曰豢  
者案充人云祀五帝繫于牢芻之三月是牛羊曰芻案案  
記云豢豕為酒周禮樞人云掌豢祭祀之犬是犬豕曰豢

**注**難難至疾疫

正義曰季冬及季春難皆難陰氣也恐

此亦難陰氣故云難陽氣言陽氣至此不衰害亦將及人  
也秋涼之後陽氣應退至此不退是涼反熱故害及於人  
云亦將及人者亦謂對季春言季春之時陰氣右行日在  
昴畢之間得大陵積尸之氣故為災今此月陽氣左行至  
於昴畢亦得大陵積尸之氣故云亦將及人云陽氣左行  
此月宿直昴畢者以天左旋星辰與斗建循天而行此月  
斗建在酉酉是昴畢六位故云宿直昴畢也其八月合昏  
之時斗柄建指昴畢本位其昴畢之星於時在寅云氣佚  
則厲鬼隨而出行者大陵既為積尸秋時又得陽氣增益  
疾病應氣相感故厲鬼隨而出行云亦命方相氏者亦季  
冬以周禮季冬命方相氏故云亦也引王居明堂禮者證  
仲秋難義云以發陳氣者謂秋時涼氣新至發去陽之陳  
氣防禦禁止疾疫之事也既引明堂禮仲秋九門磔攘則  
此亦磔攘也但文不備耳季冬云大難明九門磔攘季冬  
稱大則貴賤皆為也季春云國難熊氏云唯天子諸侯有



國為難此云天子乃難唯天子得難以其難陽氣陽是君象則諸侯以下不得難氣也案陰氣陽氣至大陵俱致積尸疫氣案十一月陽氣至于危虛而不難十二月陰氣至于虛危而為難者以十一月陽氣初起未能與陰相競故無疫疾可難六月宿直柳鬼陰氣至微陰始動未能與陽相競故無疾害可難也季冬亦陽初起而為難者以陰氣在虛危又是一歲之終摠除疫氣故為難也其磔攘之牲案小司徒職云小祭祀奉牛牲又牧人云凡毀事用豕可也是則用牛也羊人云凡沈辜侯攘共其羊牲犬人云凡幾珥沈辜用騮可也雞人云面攘共其雞牲是則用羊用犬用雞也蓋大難用牛其餘雜攘大者用羊用犬小者用雞此皆熊氏之說也

**注** 隋曰至其災 正義曰隋者似方非方似圓非圓以其名實與害相似故云隋曰實方曰害者實既為隋圓故以害為方也引王居明堂禮證此月築城郭建都邑之意云殺氣將至無罹其災者於此仲秋之時戒勅於民曰此時殺害氣將欲至民當入室無在田

野罹被其災案幽詩十月之後云嗟我婦子曰為改歲入此室勉此仲秋已入室者但仲秋之時耘鋤既了暫時入室以避陰災未盡成孰須出野收斂至十月之後又入室避寒所以不同

**注** 麥者接絕續乏之穀尤重之 正義曰前年秋穀至夏絕盡後年秋穀夏時未登是其絕也夏時人民糧食闕短是其乏也麥乃夏時而孰是接其絕續其乏也尤重之者以黍稷百穀不云勸種於麥獨勸之是尤重故也蔡氏云陽氣初胎於酉故八月薺麥應時而生也

**注** 雷始至利農 正義曰知動內物者以雷是陽氣主於動不惟地中潛伏而已至十一月一陽初生震下坤上復卦用事震為動坤為地是動於地下是從此月為始故云動內物也云蟄蟲益戶稍小之者戶謂穴也以上增益穴之四畔使通明與稍小所以然者以陰氣將至此以環之稍小以時氣尚溫猶須出入故十月寒甚乃閉之也云此甫八月中氣雨未止而云水竭非也者甫始也以雨畢在九月之初今此始八月之中對九月為始八月宿直



昴畢畢星主雨故云雨氣未止今言水竭非也引周語以下者證九月水始涸不得在八月也云辰角見而雨畢注云辰角大辰蒼龍之角角星名見者朝見東方殺氣日盛雨氣盡也云天根見而水涸者注云天根亢氏之間謂寒露雨畢之後五日天根朝見水潦盡竭又云雨畢而除道水涸而成梁者以國語上文既云水涸下又云水畢除道故云又曰所以除道治梁者國語注治道所以便行旅通也成梁所以使民不涉皆國語文云辰角見九月本天根見九月末此鄭之言也九月本謂九月之初也案律曆志角十二度亢九度天根在亢之後辰角與天根相去二十一度餘日校一度則九月本與九月末相去二十一日有餘也而韋昭注國語辰角見雨畢之後五日天根見不同者蓋辰角見後雨以漸而畢畢後五日始天根見中間亦校二十餘日也非謂辰角見後五日則天根見也國語皆謂朝見以今管曆驗之亦然而皇氏云九月之時辰角天根昏見東方未聞也不知何意如此之說此周語所云草

襄公聘宋假道於陳見靈公與孔寧儀行父如夏氏單襄公歸告周定王之辭也鄭又引王居明堂禮以下者證雨畢水涸在季秋也云除道致梁以利農者農既收刈當運輦故法地治道水上為梁便利民之轉運故云以利農也是月也易關市來商旅納貨賄以便民事四方來集遠鄉皆至則財不匱上無乏用百事乃遂易關市謂輕其稅使民利之商旅賈客也匱亦乏也遂猶成也凡舉大事毋逆大數必順其時慎因其類事謂與土功合諸侯舉兵眾也季夏禁之孟秋始征伐此疏正義曰關市之虞輕其賦稅不為節礙是易關市也關市既易則商旅自來是來商旅也商旅既來則貨賄自入是納貨賄也以此之故便



利民人之事四方摠來聚集遠鄉於是皆至貨賄既多則  
庫財不匱所須皆供故國無乏用上下豐足故自事乃遂  
遂成也百事皆成於此之時興舉其事無逆天之大數必  
須順其陰陽之時謹慎因其事類不可煩亂妄為  
謂至戒焉 正義曰以此月云築城郭故云事謂興上功  
孟秋云始征伐季秋云教田獵故云合諸侯舉兵衆也但  
此月上有孟秋始征伐下以季秋  
教田獵故云是以於中為之戒焉 **仲秋行春令則秋**

**雨不降**

卯之氣乘之也卯宿直房心火為大火

**草木生榮**

應陽動也

**國**

**乃有恐**

以火訛相驚

**疏**

正義曰秋雨不降天災草木生榮地災國乃有恐人災

宿直房

心心為大火 正義曰鄭云此者解仲秋行春令時雨不降之意仲秋是應雨之時今行春之令位當卯致大火之氣火是積陽故時雨不降  
**注**以火訛相驚 正義曰以仲秋致仲春火氣故有火但仲秋為金仲春為木金能剋

木又仲秋雨水水又尅火火竟不能為害但以訛僞言語相驚故云以火訛相驚

**行夏令則**

**其國乃旱蟄蟲不藏五穀復生**

午之氣乘之也

**疏**

曰其國乃旱天災也蟄蟲不藏五穀復生地災也

**行冬令則風災數起**

子

氣乘之也

**收雷先行**

先猶蚤也

**草木蚤死**

寒氣盛也

**疏**

正義曰風災數起收雷先行天災草木蚤死地災

**季秋之月日在房**

**昏虛中旦柳中**

季秋者日月會於大火而斗建戌之辰也

**其日庚**

**辛其帝少暉其神蓐收其蟲毛其音**

**商律中無射其數九其味辛其臭腥其**



祀門祭先肝

無射者夾鍾之所生三分去一律長四寸六千五百六十一分寸之六千五百

二十四季秋氣至則無射之律應周語曰無射所以宣布詰人之令德示民軌儀

鴻雁來賓

爵入大水為蛤鞠有黃華豺乃祭獸戮禽

皆記時候也來賓言其客止未去也大水海也戮猶殺也

天子居總章右个乘

戎路駕白駱載白旂衣白衣服白玉食麻

與犬其器廉以深

總章右个西堂北偏

疏

正義曰三統曆九月節日在氏

五度昏虛二度中去日九十七度旦張初度中九月中日在房五度昏危三度中去日九十三度旦張十八度中案元嘉曆九月節日在亢一度昏牛八度中旦井二十九度中九月中日在氏七度昏女十一度中旦柳十一度中

注無射至軌儀

正義曰案夾鍾之律長七寸二千一百八十七分寸之千七十五下生者三分去一今夾鍾七寸

取六寸三分去一有四寸在夾鍾以一寸為二千一百八十七分今更三分之則一寸者分為六千五百六十一分

夾鍾二千一百八十七分寸之千七十五者又三分之則為三千二百二十五其夾鍾整寸有六千五百六十一又

以三千二百二十五益之摠為九千七百八十六分三分至一則去三千二百六十二餘有六千五百二十四在故

云無射律長四寸六千五百六十一分寸之六千五百二十四也引周語曰以下者證無射之義云宣布詰人之令

德示民軌儀者案周語注云乾上九用事無射陽氣上射陰氣收藏萬物無射者也詰人后稷布其德敬示以法儀

當及時銍穫而收藏之 來賓至殺也 正義曰上仲秋直云鴻鴈來今季秋云來賓以仲秋初來則過去故不

云賓今季秋鴻鴈來賓者客止未去也猶如賓客故云客止未去也大水海也者案國語云雀入于海為蛤故知大



水是海也云戮猶殺也者以經祭獸戮禽禽獸皆殺之但殺獸而又陳戮禽則殺之而已不以爲祭故直云戮禽此亦互文也禽獸初得皆殺而祭之後得者殺而不祭也 是月也申嚴號令

命百官貴賤無不務內以會天地之藏無

有宣出 內謂收斂入之也 乃命冢宰農事備

收 備猶也 舉五穀之要 定其租稅之簿 藏帝藉之收

於神倉祗敬必飭 重粢盛之委也帝藉所耕千畝也藏祭祀之穀爲神倉祗

亦敬 正義曰於此月之時勅命百官貴之與賤無不

也 疏 務內內謂收斂其物言貴之與賤無有一人不勤務收斂內物以會天地之藏者會猶趣也言心皆趣

天地所藏之事謂心順天地以深閉藏也無有宣出者以

物皆收斂時又閉藏無得有宣露出散其物以逆時氣

藏帝至必飭 正義曰帝藉者俱上帝之藉田也神倉者

貯祀鬼神之倉也言天子於此月命冢宰藏此帝藉所收

禾穀於此神倉之中當須敬而復敬必使飭正 重粢

至亦敬 正義曰委謂委積之物重此粢盛委積之物故

內於神倉公羊傳相十四年御廩災御廩者何粢盛委之

所藏皇氏云委謂輸也其義非云帝藉所耕千畝者鄭康

成云藉之言借也借民力所治之田也祭義云天子爲藉

千畝冕而朱紘躬秉耒祭統云天子親耕於南郊是藉田

在南郊也云藏祭祀之穀爲神倉者以其供神之物故曰

神倉祗亦敬者經有敬字祗又訓爲敬故云 是月也

祗亦敬言敬者恒以敬敬爲心不有怠慢也

霜始降則百工休 寒而膠漆之作不堅好也 乃命有司曰

寒氣總至民力不堪其比日入室 總猶 上了



命樂正入學習吹

為將饗帝也春夏重舞秋冬重吹也

是月也

大饗養帝

言大饗者遍祭五帝也曲禮曰大饗不問卜謂此也

嘗犧牲告備

于天子

嘗者謂嘗羣神也天子親嘗帝使有司祭于羣神禮畢而告焉

合諸侯制

百縣為來歲受朝日與諸侯所稅於民輕

重之法貢職之數以遠近土地所宜為度

以給郊廟之事無有所私

秦以建亥之月為歲首於是歲終使諸侯

及鄉遂之官受此法焉合諸侯制者定其國家宮室車旗衣服禮儀也諸侯言合制百縣言受朝日互文也貢職謂

所入天子凡周之法以正月和之正歲而縣於象魏

**疏**

正義曰上文自申嚴號令至祗敬必飭論務內必須

敬慎從此霜始降至習吹論霜降寒來人皆入室又為饗

帝當習吹順時氣習吹雖與入室不同但饗帝大事則須

更云是月故習吹之事附於入室之下自大饗帝至無有

所私論大饗明堂及嘗犧牲告備并諸侯來歲之制稅民

輕重貢賦之數皆大事相連事異於上故言是月天子乃

教田獵及祭禽于四方論順時田獵以習兵戎事異於前

故言是月草木黃落至供養之不宜論草木黃落蟄蟲閉

戶斷決獄刑收減祿秩事異於前故又言是月天子以犬

嘗稻先薦寢廟事重故特言是月也 **注**為將至重吹

正義曰以下有饗帝之文此有習吹之事故云為將饗帝

其習舞吹必用丁者取其丁壯成就之義欲使學者藝業

成故也 **注**言大至謂此 正義曰若祭一帝之時則禮

器謂之饗帝今云大饗故知徧祭五帝也此大饗與帝連

文故謂祭天禮器大饗其王事與彼下云三牲魚腊九州

之美味是四方助祭之物故以大饗為裕也與此不同引

曲禮云大饗不問卜謂此者以曲禮大饗不云帝此云大



饗帝不云不問卜恐是別事諸儒多以為疑故鄭執之云  
曲禮所云謂此也鄭必知曲禮大饗非指拾祭必是此大  
饗帝者以周禮祀大神享大鬼帥執事而卜日若拾祭不  
得云不問卜也此既五帝皆饗莫適卜可從故知不問卜  
謂此也 嘗犧牲告備於天子 正義曰嘗犧牲者謂嘗  
祭羣神以犧牲於時有司甘祭其事既畢告祭備具於天  
子也 嘗者至告焉 正義曰此犧牲之文繼饗帝之  
下知非欲饗帝之時使有司展犧牲告其備具而云嘗謂  
嘗羣神者以四月大雩以祈穀實雩上帝之後云雩祀百  
辟卿士是雩帝之外別雩羣神九月大饗以報功明饗帝  
之外亦饗羣神故知此嘗嘗羣神云使有司祭於羣神者  
以其經云告備於天子故知是有司帝是尊神故知天子  
親祭經云饗帝鄭云天子親嘗者嘗是秋祭之名因經有  
嘗犧牲之文雖天子亦曰嘗以秋物新成故也 合諸至  
所私 正義曰合諸侯制者秦十月為歲首此月歲之終  
也當入新歲故合此諸侯之法制又命百縣為來歲受朔

日之政令并授諸侯所稅於民輕重之法貢職之數天子  
有朔日政令諸侯所稅民輕重之法貢職之數皆天子制  
之百縣此來受處分故云受朔與諸侯所稅於民輕重之  
法貢職之數皆天子之制言與者兼事之辭以遠近土地  
所宜為度者言定稅輕重入貢多少皆以去京遠近之差  
土地所宜之物為節度無有所私者言既給郊廟重事事  
百縣等物無得有所偏私不如法制也 秦以至象魏  
正義曰案史記秦文公獲黑龍自為水瑞命河為德水以  
十月為歲首云定其國家宮室車旗衣服禮儀者此皆周  
禮典命文也彼注云國家國之所居謂城方也云互文者  
諸侯言合制則百縣亦合制百縣言來歲受朔日則諸侯  
亦來歲受朔日也故云互文諸侯謂畿外國百縣謂鄉遂  
云貢職謂所入天子者以經云稅於民輕重之法又云貢  
職之數其文既重故知稅於民者是積貯本國貢職之數  
者是輸納天子云周之法以正月和之者案大宰職正月  
之吉始和布治于邦國都鄙云正歲而縣于象魏者小宰



職云正歲縣治象  
之法于象魏是也

禮記正義卷第二十四

